



Bájkkeavijssa NuorttaSálto



Ælljabivddeveterána. G.b. Anders Kalstad (75), Arvid Westermann (76) ja Nils O. Nilsen (71).
Elgjaktveteraner. F.v. Anders Kalstad (75), Arvid Westermann (76) og Nils O. Nilsen (71). Gåvvå/Foto: Ingar N. Skogvold.

Tæksta: Børge Strandskog
Järggálibme: Divte Media AS, I dar Kintel

Veteranbivdde Gásluovta bivddoguovlon

Moatten rubmahin luohkat gå ælljabivddo lahkkan. Tjabu veterána Anders Kalstad (75), Nils O. Nilsen (71) ja Arvid Westermann (76) dábdidi "tjavnja tjáppemus dáhpáduš" lahkkan. Vargga 30 jage li dá gálmás aktan Gásluovta bivddoguovlon bivddám.



Slakting er en viktig del av elgjakta. Og med veteranene Anders og Arvid er jobben i de beste hender. T.h gjestejeger Bjørn Berntsen.
Gåvvå/Foto: Hans Ivar Berntsen

Jus ga hálvva nuolep manná gå dâlen, de galla nuorap bivdde oadtju gássjelisvuodajt Gásluovt-pensjonistajt tjuovvot váttseidjn. Dá li ham sjabes álmhá gen birra le sáhka, guhka ja gájkbelak átsádallamij bivdos ja luonndoiellemis.

Arvid Westermann lij vuostasj bivdon jagen `46, aktan áhtjijnis Albert ja vieljajnis Frans.
- Lijma birssojt tjiehkam doaroájgijn, majt átsájma. Valla ammunisjávnná vádnunij. Dan bivdon lidjin miján dássju guokta patravná. Viertijma jiermmát dajt vuohtjet, vaj oattjojma moadda rievsa juohkka skáhtajn. Ja vuorbástuvájma dajna, mujttal veterána, guhti bajássjattaj Strávnjunjen Hábmerin. Nils O. Nilsenij le bivddem ja luonndoiellem agev læhkám guovdásj oasse iellemis. Nuorravuoda ájgen lij nágin jage muhtem mærráj virgálasj rievsaaghte.

- Barggovádne lij, dan diehti rievsaaghttem sjattaj ájnas oasse æládusvuodos. Ja navti lij moaddásj Oarjjevuonan dan ájge, subtsas sán. Nils luondos ávkástallá jagev birra, álu suv nuppát sijdas, dábes Svenjunján. – Ij mige vatte dakkir ráfev mielan gå luonndovádtsem, lehkus dal birssujn, muorjelihtijn jali dássju vuossajn hárdon, javllá sán. Anders Kalstada fámillja lidjin dájmalasj ællobargge gå sán bajássjattaj, ja dat le sunji vaddám

lahkavuodav luonnduj ja luonndoadnuj álles viessomájgev. Iesj dáttot muodugasjvuodajt ælljabivdo ja boahhtsusujto gaskan.
- Sierraláhkáj mij guosská gáktu luondo merkajt dádjadit, njuovvamij ja biergo ávkástallamij, javllá 75-jagák.

Da gálmhá veterána lidjin ávdemusá Nuortta-Sáltón mij guosská ælljabivdduj. Divna lidjin vuostasj bivdon jagen 1975-76. Anders lij vuostasj sijás Gásluovta bivddoguovlon, dalloj aktan Sverre Romstadajn. Valla de Nils oassálastij guovlon, ja nágin jage manñela Arvid aj. Dállá da gálmhá bivdderádna li læhkám vargga 30 jage aktan ælljabivdon Gásluovtan. Ja e ga ájgo hiejtjet. Divna gálmás nammadi aktisasjvuodav ja sosiálasj sæbrástallamav ájnnsamos oassen daj vahkojn gå bivddi, duodden geldulasjvuohtaj bivdon ja gå ávvo gå bessi álggon liehket. Gásluovta bivddoguovllo le hálvva lássá vádtsemguovllo, gå dievájat bajás ja vuolus vierttiji tjágnat, navti gák Arvid subtsas. Valla ij væráp gå sjabes pensjonista nagádi. Duodden sidjij li nuora oassálasste gudi læsemus ásiht ja viehkamav válddi; Berntsen-vielja ja Roy Arne Westermann aktan ælljabednagijn "Ailo". Dán tjavnja bivddojuogos bæssá 3 juhtusa vuohtjet – Vuovsáv, vátvaj ja gálbev.

Eljav li juohkka jage vuohtjám. Ja vuojnnet le állu ællja dá tjavnja aj. Ávdep biejeve lij Arvid Westermann váttatjime Gásluovta lahka "Ailojn" gå állu elja lahka báidij. Vátjav gálbijn. Ja vuoksá...